

D I S S E R T A T I O

I N A U G U R A L I S,

D E

M A G N E S I A A L B A.

Digitized by the Internet Archive
in 2019 with funding from
Wellcome Library

<https://archive.org/details/b30783756>

24
D I S S E R T A T I O
I N A U G U R A L I S,

D E

M A G N E S I A A L B A :

Q U A M

ANNUENTE SUMMO NUMINE,

Ex auctoritate ornati admodum viri

D. GULIELMI WISHART, S. T. D.
ACADEMIAE EDINBURGENAE PRAEFECTI;

N E C N O N

Amplissimi SENATUS ACADEMICI consensu,
et nobilissimae FACULTATIS MEDICAE decreto;

P R O G R A D U D O C T O R A T U S ,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS,
ERUDITORUM EXAMINI SUBJICIT

HENRICUS SMITH, ANGLO-BRITANNUS.

Ad diem 6 Julii, hora locoque solitis.

E D I N B U R G I :

Apud HAMILTON, BALFOUR, et NEILL.

M,DCC,LII,

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
CAMBRIDGE, MASS.

JOHANNI RUTHERFORD, M.D.

PROFESSOR OF ANATOMY AND PHYSIOLOGY
IN THE MEDICAL SCHOOL
OF THE UNIVERSITY OF CHICAGO
CHICAGO, ILL.
1892

HENRICUS SMITH

THE
LIBRARY
OF THE
MUSEUM OF
COMPARATIVE ZOOLOGY
AT HARVARD UNIVERSITY
CAMBRIDGE, MASS.

VIRO PRAESTANTI,
JOHANNI RUTHEREFOORD, M. D.

MEDICINAE THEORETICAE ET PRACTICAE
IN ACADEMIA EDINBURGENA

PROFESSORI;

INGENIO, DOCTRINA, MORIBUS,

ATQUE ARTIS MEDICAE PERITIA,

INSIGNI;

HOC TENTAMEN INAUGURALE,

IN GRATI ANIMI TESTIMONIUM,

SUMMA EXISTIMATIONE

ET OBSERVANTIA,

OFFERT

HENRICUS SMITH.

THE UNIVERSITY OF CHICAGO

LIBRARY

1010 SOUTH MICHIGAN AVENUE

CHICAGO, ILLINOIS 60607

TEL: 773-936-5000

During the past few years, the University of Chicago has been fortunate to have a number of distinguished visitors from around the world. These visitors have brought with them a wealth of knowledge and experience, and have helped to make the University a more international institution. The University is proud to have these visitors, and is committed to providing them with the best possible experience during their stay.

The University of Chicago is a leading institution of higher learning, and is committed to providing the best possible education for its students. The University is proud to have a number of distinguished faculty members, and is committed to providing them with the best possible resources. The University is also committed to providing its students with a wide range of extracurricular activities, and is committed to providing them with the best possible support services. The University is proud to be a part of the Chicago community, and is committed to making a positive contribution to the city.

DISSERTATIO
INAUGURALIS,

DE

MAGNESIA ALBA.

DISSERTATIUNCULAM quandam hac occasione scripturo, Magnesia alba se mihi offert, tum quod remedium optimum sit, tum quod nobis seriùs innotuerit; pauca itaque de ejus historia, origine, et potestate dicam.

PULVIS hicce, non secus atque alia quaedam praeclara medicamenta, forte quadam inventus fuisse videtur. Circa finem enim saeculi proxime elapsi, referente clarissimo Hoffmanno, Helvetius et Johannes Siboldus, Episcopi Magdeburgensis Archiater, dum ex terra nitrosa menstruum universale vana spe expectârunt, lixivium ex ista terra paratum in massam coquebant; et, ex ea per retortam destillata, humorem omnem forti igne eliciebant: quo facto, restitit in vase caput mortuum, coloris
A candidissimi,

candidissimi, insipidum et leve. De hujus autem viribus, nihil tunc temporis cogitârunt*. Sed ob similitudinem forsan quandam, quae inter hunc pulverem et marcasitam Magnesia nomine gaudentem, vel Magnesias arte alchemica paratas intercedere visa est, huic quoque idem nomen indiderunt.

MAGNESIA autem in Germania quidem inventa, in usus medicinales Romae primum deducta est; ubi, circa initium hujus saeculi, nomine *pulveris Comitidis de Palma*, inclaruit. Brevi tamen remigrâsse in Germaniam videtur; Hoffmannus enim, vir sane gravissimus, ac medendi arte exercitatissimus, hanc summis laudibus expertus effert: quod vero mirum videatur, Boerhaavius nusquam, quod sciam, hujus mentionem fecit; atque forsan, ex tanti viri in hac re silentio factum est, quod apud nostrates sero admodum, nec nisi post virtutes ejus nupero de infantibus alendis tractatulo laudatas, in frequentiore usum recepta fuerit†. Exinde autem publici ea juris facta est, quae non nisi doctioribus nonnullis Medicis olim innotuerat.

PORRO, Pharmacopoeia in usum Nosocomii Regii Edinburgensis conscripta, quae pro secunda vice hoc ipso anno in lucem edita est, istius pulveris praeparandi methodum tradit.

CUM

* Vide Hoff. tom. iv. p. 479.

† Letter to the Governors of the Foundling-Hospital.

Cum pro remedio usurpari olim coepisset Magnesia alba, Chemici non amplius ex dicto terrae nitrosae lixivio, sed ex liquore post crystallisationem nitri reliquo parare eam solebant; hunc nimirum liquorem in massam coquebant, quam vasi fictili immixtam forti igne urgebant; adeo ut, spiritu acido emisso, postea remaneret ille pulvis Magnesiae *.

VERUM hic, neque ineptum, neque a proposito nostro alienum erit, in liquoris hujus originem paucis verbis inquirere. Ea autem hujusmodi est: Artifices, dum nitrum conficiunt et expurgant, lixivium ex terra nitro turgida paratum et percolatum, ad justam spissitudinem, indefinenter despumantes, excoquunt; tum doliis adhuc calidum infundunt, et inibi per aliquot horas relinquunt, ut aliquanto frigescat. Deinde, ad fundum delapso sale marino, quo terra nitrosa semper inquinatur, liquorem nitro divitem per se educunt, et loco frigido exponunt, donec praebeat crystallos; quibus extractis, reliquum aquae iterum igni admovent, donec spissior et gustu acrior percipiatur; dein frigori iterum exponunt, ut novae crystalli concrecant †. Ultimo tandem, cum nullae ulterius coeant crystalli, remanet id lixivium, ex quo conficitur Magnesia alba. Hoc vocatur *Matrix* vel *Aqua Mater Nitri*, vulgo *Mother of Nitre*; quoniam terris inspersum, eas ad novum nitrum generandum foecundiores,

* Vid. Hoff. opera, p. 480.

† Vid. Geoffroy Mat. Med. pars I. p. 115.

foecundiores, uti aiunt, reddit. Est autem hoc grave admodum ac ponderosum, saporis valde amari et falsi, atque ad tactum pingue *.

Ex eodem lixivio pulvis, de quo agimus, modo compendiosiore hodie paratur; ei scilicet liquamen cujuscunque salis alcalini, sivi volatilis, sive fixi, immiscendo: namque ex hac mistura insignis sequitur Magnesia albae praecipitatio. Atque hac ipsa ratione eam ex matrice nitri et lixivio cinerum clavellatorum praeparari, in Pharmacopoeia pauperum Edinenfi praescriptum est †.

Non solum autem ex matrice nitri, sed etiam ex aliis quibusdam lixiviis obtineri potest hic pulvis. Inter haec id primum nobis occurrit, quod post coctionem salis marini, haud aliter quam matrix nitri, post confectionem nitri, relinquitur, et a salis coctoribus vulgo appellari solet, *Bittern*. Ut autem utriusque lixivii simillimus est ortus, ita etiam ejusdem naturae utrumque videtur; pondere enim et sapore, et tactu maxime inter se congruunt; ex utroque itaque, eadem artis lege, elicitur Magnesia alba.

CAETERUM omnibus ferme innotescit, quod ex hoc ipso lixivio, a confectione salis marini residuo, paratur iste sal catharticus amarus, qui nomine *Salis Epsomienfis* notissimus olim fuit, et adhuc solenni satis in usu est.

PORRO

* Vid. Geoff. et Hoff. loc. citat.

† Vid. Pharmacop. paup. Edin. 1752.

PORRO autem sal iste, qui nomine salis mirabilis Glauberi venditatur, ex eodem fonte plerumque obtinetur: quoniam enim parva admodum est spiritus salis marini consumptio; qui artem Chemicam quaestus causa exercent, hi rarissime, ne dicam vix unquam (ut fama est) operationem, qua elicitur iste spiritus more Glauberiano, hoc solo consilio instituunt, ut a residuo paretur verus sal mirabilis Glauberi. Salem quippe, huic quoad figuram et effectus certe simillimum, ex lixivio jam commemorato amaricante conficiunt; immiscendo oleum vitrioli, ut crysalli majores formentur.

Ex praegressis liquido constat, quod ex utroque horum salium, aqua solutorum, non secus ac e liquoribus post coctionem nitri vel salis marini relictis, elici possit Magnesia alba, pari instituto operandi modo. Et profecto ex his salibus comparari solet apud nostrates, qui horum lixivias, loco matricis nitri, necessario adhibent: his enim in regionibus vera nitri matrix vix prostat; quoniam nitrum rude, quod apud externos a terra nitrosa conficitur, hoc lixivio maxima ex parte spoliatur; adeoque post purgationem nitri, quae in Britannia instituitur, nihil fere hujus superest.

Mos iste Magnesiaeficiendae, qui sola ignis ope peragi solitus est, jam penitus exolevit: de eo itaque plura verba facere, vel quaenam sit inter Magnesium ita paratam, illamque liquaminis admistione alcalini factam

B

discrepantia

discrepantia statuere, necesse non erit : processus autem, qui hodie unus instituitur, quemque adeo explicatius paulo proponere oportet, ita se habet.

LIQUORI scilicet cuicunque ex iis, quos supra memoravimus salino-amaricantes, sordibus vacuo, purum salis cujuslibet alcalini fixi lixivium paulatim infundunt ; unde materies albescens, instar amyli aqua misti, elicitur. Lixivio tandem alcalino ad saturationem usque, donec nimirum non amplius coagulum cieat, ingesto ; albescens ista materies aliquandiu in liquore suspensa haeret, sed vasis fundum mox petit : effuso deinde liquore, materiam praecipitatam, quae Magnesia alba est, aqua calida iteratis vicibus abluunt, donec affusae aquae nullus accedat sapor salinus : denique Magnesium exsiccant, et ad usus medicinales in pulverem conterunt. Quod ad liquorem ex binis lixiviis natum attinet, is, modo plus satis alkali admixtum non fuerit, neque alcalinus neque acidus est ; sed salis neutrius, tartari potissimum vitriolati, solutionem sapit. Insuper, observare libet, quantitatem Magnesia, ex sale cathartico amaro paratae, esse pro rata istius salis adhibiti portione, quasi $\frac{1}{30}$.

EFFECTUS subsequuntur consimiles, siue huic operi adhibeatur matrix nitri, siue lixivium post coctionem salis marini relictum, siue sal catharticus amarus, vel ille qui pro mirabile Glauberi venditur. Notare autem oportet, ex vero Glauberi sale nullam fieri posse
Magnesium

Magnesium albam : hujus tamen naturae meminisse, ac rationem, qua sales isti amaricantes ab hoc ipso discrepant, adnotare, non alienum erit; ut exinde illorum principia promptius detegamus.

SAL igitur Glauberi, qui a massâ post spiritum salis marini, arte sua destillatum, residuâ obtinetur, ex alcalina salis istius basi, ac acido vitrioli, quod hanc solvit, plane conflatur; oleum enim vitrioli, marino sali affusum, principium hujus alcalinum in se fortiter rapit, atque adeo spiritum ejus acidum, qui vitriolico longe est debilior, sejungit. Hoc vero testatur, tum qui prodire illico incipit vapor, tum omnis, qui ignis ope postea adscendit spiritus, siquidem in illis nihil deprehendere est olei vitrioli; sed enim acidum illud ponderosissimum, quod non-nisi fortissima ignis vi solet adfurgere, post evectum leviozem salis marini spiritum, in vase remanet; atque alcalinae isti materiei, quae in sale marino latuerat, omnino conjungitur: solvitur autem haec materies, ut supra innuimus, ab acido vitrioli; cujus acor interim ab hac miscela adeo obtunditur, ut nascatur sal neuter, qui artis lege in crystallos formatus, is est, de quo agitur, mirabilis.

ACIDUM vero illud, quod a vitriolo praesertim obtinetur, adeoque vitriolicum plerumque audit, ubique fere sub terris aquisque pervagatur; atque materiei alicui terrestri occurrens, in salem neutrum ut plurimum abit.

ma BengM

Non

Non modo igitur sal marinus, sed et alter quoque, ea penitus, quam posuimus, ratione natus, in aqua marina latet. Quum autem ille non-nisi ex majore aquæ portione, quam hic solvatur; hic in liquore post concretum illum reliquo, etiamnum solutus restat necesse est.

Ex isto liquore jam diximus, tam salem Pseudo-glauberianum, quam vulgarem catharticum amarum, Epsomiensem dictum, comparari; quorum sane principium acidum idem est, atque veri salis mirabilis Glauberi: sed in hocce cum acido isto conjungitur salis marini basis, quae verus sal sui generis alcalinus est; in illis autem cum acido coit materies terrestris, quae, adjecto salis alcalini lixivio, a menstruo suo prompte separatur. Porro, quum sales isti, ex liquore post concretum salem marinum reliquo parati, insigniter amari sint, oleosum quid, vel (ut loqui amant Chemicis) sulphureum in se recondi indicant: nec quidem difficile est hujus rei rationem, a natura illius liquoris, reddere. Nempe aquae marinae inest materies bituminosa sive sulphurea, quae, dum muriam, ut concreseat sal marinus, excoquunt, tota fere in liquore reliquo manet; quod quidem testatur, quos antea notavimus, tum sapor, tum etiam tactus: particulae igitur quaedam bituminosae salibus, qui ex hoc lixivio amaricante parantur, sese immiscent.

BINA lixivia, quae post nitri et salis marini crystallisationem relinquuntur, maxime inter se congruere jam
supra

supra observavimus: notandum itaque solummodo superest, quod, si materiei cujusdam terrestris, et acidi vagi vitriolici adunatio in mari fiat, similem etiam intra nitrarias contingere, ut et aliquid bituminosum sive sulphureum superaddi posse, in proclivi est ex nitri natalibus opinari.

OMNIA ergo lixivia, unde parari solet Magnesia alba, principium terrestre acido vago vitriolico solutum, ac materiam quandam sulphuream in se continere liquet. Atque his ita expositis, phaenomenon, quae inter praeparandam Magnesium albam exoriuntur, ratio patescit: affusa scilicet alicui ex lixiviis jam dictis salis alcalini solutione, acidum quod in illis latet vitriolicum, ac sal qui huic inest alcalinus, sese mutuo et fortiter attrahunt: principium itaque illorum terrestre, ut et sulphurei quidpiam huic cohaerens, acido suo orbatum, instar amyli conglomerare incipit, et liquori innatat; tandemque, quum liquore ponderosius sit, vasis fundum petit: liquamen interim alcalinum, cum acido vitriolico coalescens, in liquorem quasi tartaro-vitriolatum transit, utpote qui similem sortitus est originem, ac ipse tartarus vitriolatus aqua solutus. Ad materiae praecipitatae portionem quod attinet, eadem fere est ac terrae istius, quae in aliis quibusdam salibus neutris continetur. Huic autem principio nonnihil etiam sulphurei, inter instituentem hanc operationem, conjungi suadent, quae sequuntur argumenta. Quippe terrestre id, quod ab aliis non-

nullis lixiviis simili pacto elicere est, pulveris speciem subtilissimi prae se fert, ac ad fundum vasis cito praecipitatur; hoc vero, sub forma materiei amylo similis, liquori innatare, ac tardius subsidere jam vidimus; unde unctuosum quid, sive sulphureum ei connexum esse, haud levis oritur suspicio. Sed de hac re certiores facti sumus, quod Magnesia alba adhuc illota, ex acido quocunque liquore soluta, amarescentem hunc reddat. Eadem vero, postquam aqua saepius affusa abluatur, sulphure illo maxima ex parte orbari videtur; siquidem neque id sapit, neque, si ex acido tum solvatur, huic notabilem aliquam conciliat amaritiem.

SATIS ex praedictis constat, Magnesiam albam esse materiam terrestrem, cui etiam sulphureae nonnihil forte adhaereat: quae quidem materia terrestris eadem est ac quae cum sulphure quodam commixta, et acido vago soluta, salium Pseudo-glauberiani et vulgaris cathartici amari basin constituit: quum autem a basi veri salis Glauberi, ea, quae proposita est, ratione discrepet; hinc causam prompte agnoscimus, cur ex hoc ipso sale nulla fieri queat Magnesia.

VERUM materies ista terrestris, quamvis cum acido fortissimo in salem medium antea coiverat, saporis neutiquam est alcalini: cum acido tamen quocunque commista, effervescentiam terrestrium ad instar aliorum ciet; brevique hinc penitus soluta, acidam hujus indolem
in

in neutram plane, levi tantum stimulo praeditam, demutat: acoris enimvero portionem obtundit non medio-crem, quandoquidem aceti partes fere octodecim, ex adjecta Magnesia albae una, in liquorem medium vertuntur. Hanc denique Magnesium non-nisi ex acido solvi posse, vel terrestrem inertemque ejus naturam immutari, notandum est.

Ex praegressis manifesto elucescit Magnesia albae virtus medica; quae quidem minime contemnenda foret, si humores acidos in primis corporis humani viis solum corrigeret; hujusmodi enim vitia et frequentissima sunt, et gravem molestiam, imo non raro periculum, secum adferunt. Aliud autem emolumentum hinc consequamur, siquidem hoc remedium, alvum leniter subducendo, humores istos nocivos aliasque viscerum chylopoeticorum sordes, foras tuto amandat. Quamvis enim, dum naturam suam retinet, nullam in se habeat purgandi vim; humores tamen acidos in ventriculo et intestinis offendens, hos in liquorem neutrum, leni stimulo instar salis Glauberiano succedanei, vel cathartici amari praeditum, convertit; nec sane mirum, quum diversa principii acidii origo hunc liquorem a solutione salium istorum sola se-cernit. Hinc autem apparet diversi ejus in diversis hominibus effectus ratio, quod quandoque vim purgantem exerat, quandoque iners plane evadat: nimirum si acido in primis viis occurrat, alvum subducit; sin minus, nihil praestat.

ERGO

ERGO Magnesia alba variis istis infantum morbis, qui ab acido humore in primis viis hospitante ortum ducunt, aut alias oriundi hoc vitio stipantur, accommodatissimo est remedio: quod vitium vel a viscerum debilitate, vel a natura alimenti, vel ab utrisque productum, infantibus valde familiare est; atque vomitiones, tormina, sedes virides, &c. gignit. Quin hicce pulvis non modo acorem potenter extinguit, sed ventrem etiam nocivo onere liberat, si ad drachmam unam aut alteram, partitis vicibus, ex quolibet vehiculo idoneo indies adhibeatur. Nec vero in his affectionibus unquam prohiberi videtur ejus usus, nisi post diuturna ac effusa nimium alvi profluvia, infirmis jam aegri viribus, remedia absorbentia simul et restringentia medendi ratio forsan postulet. Quinetiam hic pulvis aptius utplurimum quam testacea illa et rhabarbarina, quae pro more solenni in usum vocantur, infantium morbis medetur; quia testacea non sine insigni damno alvum cohibere, vel et intestina gypsea quadam materie onerare solent; rhabarbarum autem et saporis admodum ingrati est, et graviora ventris tormina non raro excitat.

CAUSAS his plane consimiles saepe agnoscunt plurimae, quae in proveciorem aetatem cadunt, aegritudines; dolor scilicet ventriculi, nausea, cardialgia, cephalalgia, &c.: homines enim imbecilliore corporis compage donati, aut quibus ventriculi intestinorumque actiones minus

nus rite peraguntur, eadem fere ratione atque infantes ipsi, humoribus acidis in primis viis oriundis obnoxii sunt: quicquid enim sive esculenti, sive potulenti ex vegetabilibus, aut etiam lacte paratum, in ventriculum debilem ingeritur, ibi nimis diu remorari, et acefcere solet: acidum vero hinc exortum, nervos vicinos, vel per consensum etiam remotiores irritando, symptomata supra dicta parit. His igitur in casibus aptissimum prorsus remedium videtur Magnesia alba, quae, simul ac humori peccanti occurrat, eum statim obtundit, secumque una cum lentis viscerum sordibus e corpore educit; quod si in stomacho haereat causa mali, non raro post assumptum hoc remedium illico mitescunt symptomata; si intestina praesertim laceffantur, non-nisi post aliquod tempus levamen accedit; morbus autem recidivus, dum facilius hinc redditur alvus, non parum praecavetur.

QUINETIAM hoc remedium hypochondriacis, et hysteriis, gravidisque apprime utile est; quia sine ulla fere corporis perturbatione, seu virium dispendio suam purgandi facultatem exerit: ii enim aegri, qui acido in primis viis saepius laborant, alvum simul tardiores plerumque habent, neque ut plurimum alia purgantia facile ferunt.

SIMILI denique ratione podagricis etiam apte ministratur Magnesia alba, quandoquidem lenis, quam praestat,
D stat,

stat, exinanitio vix aegri vires imminuit, neque materiae morbosae per extrema corporis expellendae moras nectit. Sin vero ante periodicum morbi insultum, dum adhuc cruditates acidae tantummodo aegrum laceffunt, hoc remedium simul cum roborantibus praebeatur; hinc ipsum morbi fontem aliquatenus minui posse probabile est.

F I N I S.